



# **Universitätsbibliothek Paderborn**

**Svmmvla Caietani**

**Cajetan, Thomas**

**Antverpiae, 1575**

Secularia officia vendere, vel emere turpe est, & perniciosum.

**urn:nbn:de:hbz:466:1-41716**

*Secularia officia vendere, vel emere  
turpe est, et perniciosum.*

**O**fficiorum secularium venalitas licet speculatiuē loquendo sit licita (quia venditio & emptio habet materiam vendibilem) ut tamen ad communem humani generis morem contrahitur, turpis ac perniciosa reipu. non parum est, quoniam viri digni reputant indignum ut quod suæ virtuti debetur, pecunia emant, & indigni communiter habent officia, vbi sunt venalia. Tollitur & ratio studiorum bonorum, & virtutum, ex eo quod non nisi pecunia habentur officia. Et oportet ut non virtuosi, sed pecuniosi ibi inueniantur, vbi ut perniciosi honorantur, imò honorant seipso emendo officia honorabilia. Præterea qui prius emit officium, quum non emerit nisi vel lucretur, oportet ut vendant actus officii, & plerunque iustitiae, & inhumanus sit in gratiis, tanquam ius habeat vendendi, & quæ sunt iustitiae, & quæ sunt gratiae, quia prius emit. Testatur magistra rerum experientia, ruinam publicam vbi officia sunt venalia. Et quia actiones humanæ iudicandæ sunt secundum quod in pluribus inuenitur, ideo huiusmodi venalitates ut abominabiles exterminandæ sunt.

*Sectarum æmulatores vel opinio-  
num sæpen numero reprehensi-  
biles habentur.*

**O**pinio tripliciter est illicita. Primo ex eo quod voluntaria: nam in omni genere scibilium voluntaria est illicita: quia non eo quod magis placet, sed eo quod rationabilior est, non ex voluntate, sed ratione amplectenda est opinio. Et hinc errant sectarum æmulatores, opiniones suæ sectæ sequentes non ut rationi magis consentaneas, sed quia nati sunt

Dd 4 203